

清源鄉志卷之十六

祥異

伊川程子發明春秋以爲紀災不紀祥乃考亭作綱目全仿麟經筆法而於有年大有年豐書表瑞良以人事作於下天變應於上書之以爲出政者警是亦詩詠繁霜史載反風意也志祥異

成化九年三月地震七月再震聲如雷 十年春初不雨至秋二日乃雨民始種黍大熟每穀二粒

清源鄉志

卷十六

三十八

宏治十四年大水漂禾殆盡

正德七八年黑眚屢見 十三年十二月武宗駐蹕屢年禾稼不登

嘉靖元年秋地震數十次 七年九月賈家山崩數十丈 十二年星隕如雨光若火天盡赤大饑十四年秋飛蝗蔽日未幾盡投汾水死百穀用登十九年桃李冬花 二十年大水城西門壞二十一年秋諳達至馬峪殺人千餘 三十二年汾水白石水並溢平地丈餘 三十六年地震數

次 三十九年春夏秋不雨大饑人相食

隆慶元年秋諳達破石州哨至城下

萬曆八年大疫詔免秋糧 十二年城東夜見火明

滅無定越月乃止 十四年大旱赤地千里井涸

河乾饑莩遍野又大疫發帑賑之 十五年狼羣

行噬人 十九年十一月冬至夜地震十八次 二

十九年大旱疫汾河遠徙十餘里李冬花 三十

一年汾河徙東城下 三十七年四月至明年五

月不雨大饑 三十八年二月天鼓鳴四月十二

清源鄉志

卷十六

三十九

日地震七月地震大雨雹

崇禎元年大水 六年流寇破南關城殺居民百餘

七年夏流星如雨 八年流寇掠劉家山殺城

官梁鳳翔 十二年蝗災 十三年大饑人相食

國朝

順治元年日五色 二年大稔 九年九月杏復花

十七年大水衝圮北城門樓城官梁名憲淹斃

康熙元年大稔 三年饑蠲本年地丁錢糧發倉賑

濟 十年交山寇掠白石口殺訓導李開秀 十

九年雨雹 二十年大疫賑濟仍蠲歷年逋賦並
本年錢糧地丁秋大稔 三十一年大水 四十
七年大水南關城西門毀 四十八年雨泥如珠
六十年七月大雨雹

雍正元年饑賑濟 二年大水 四五六七八年皆
大稔 九年夏秋同豐瑞穀盈野

乾隆元年大稔 五年大稔 九年大稔 十年秋
旱東湖涸 十四年大有年 十七年城隍廟火
二十四年大旱 三十三年秋大雨河溢 四

清源鄉志

卷十六

四十

十年曰旁有珥 四十三年春夏旱秋大風傷禾
四十五年大有年 四十六年大有年 五十
二年冬大星墜西北

嘉慶二年十月二十九日星隕如雨 十二年大旱
米值甚昂 十六年饑彗星見斗柄 二十二年
旱 二十三年正月十四日天鼓鳴 二十五年

虎至喬武村人擊斃之

道光元年二月日月合璧 四年大有年 五年
八月彗星見 六年六月二十五日大風晝晦

十年秋地震冬大雪三尺 十一年冬大雪果木
多凍死 十四年五月雨雹三日大水漂禾殆盡
二十四年汾水由東門入城東街房屋損塌甚
多 二十六年三月十五日雨土寸許秋豐收
咸豐二年秋白氣衝西北月餘乃散 五年八月十
三日白石水衝西門 七年彗星見西北 八年
大疫殞人無數 九年彗星見西南月餘漸滅
十一年七月望星隕如雨向南走隱約有聲

同治元年正月初六日雨黃土如雪白辰至午乃止

清源鄉志

卷十六

四十一

是年疫大作秋收糜黍 三年十一月初五日夜
大雪三尺路壅 五年大疫 七年大稔 十一
年五月初二日城西大雨雹損折樹木秋大水汾
河移東數里

光緒元年夏麥豐收 二年旱 三年大旱赤地千
里斗米值銀二兩餘蠲免錢糧發帑賑濟 四五
六年狼成羣噬人 五年秋九月大水禾盡淹
六年八月望日大雨半月東南沿河村莊水災
七年六月十九日城左右雨雹數寸成災七月彗

星見西北月餘乃止

清源鄉志

卷十六

四十二